


陶真人經

風陵文庫
文庫19
F300



陶真人救劫經

民國甲子歲孟冬月刊
板藏長沙吾書流通處

序

長邑東鄉有梨梨市焉。志所載舊東茅港地是也。其中臨湘山有陶真人叔姪遺蛻。旁坐雲隱杜真人。攷陶真人系原西晉跡寄靈峯煉氣修真。肉體成果。億萬劫道形不敗。數千載廟貌如新。有患悉除。無災不

重刊皇極經世一
禦。遠且勿論。卽前清道咸同光間。雨澤愆
期。長官輒迎駕入城。設壇祈禱。中有一異。
甫升輿就道。雷聲殷殷相隨。行至省垣之
黃道門。天忽下雨。及登壇。雨傾盆加大。四
野咸歌霑足。凡因旱潦禱求。罔不立應。歷
任撫憲。據績奏請。始膺孚佑福佑徽號。繼

加昭顯靈應崇封。袍遍酬恩。春秋致祭。蓋
真人護國佑民之豐功厚澤。洵有洽人飢
膚。入人腦髓。令人馨香禱祝。朝夕不能忘
者。奉真弟子。等。每逢瑞誕之期。糾集
道協永年同人。設壇慶祝。朝真上表。藉答
鴻庥。竊思真人從前未傳一字。今於積慶

直道里經車要
壇飛鸞降經。殊令難解。一統前古後今觀之。乃恍然矣。何則。在昔晉繼漢興。去古未遠。世道猶有可觀。嗣後晉衰隨繼。歷唐而宋。而元明。海境未開。其間雖有所變。亦第中華之變。尚未有夷狄亂華之風。且猶知堯舜禹湯文武周公孔子之教。而不敢動

輒有所破壞。際其間者。緘默無詞可也。一自明亡清起。無外無中。泱泱乎大風火。船逕渡。迢迢然海國。宛在門庭。時而亞雨橫飛。時而歐風雋削。父子原來異等。今直認為同等。君民本難比權。今則競尚平權。問有專重五倫者乎。無有也。問有遵行八德

者乎。無有也。貌似夷齊。而心實羿奡。口談黃老。而行等廉來。三綱淪。九法斃。地維圯。天柱傾。勢不至胥人民。而漸變為禽獸。不止勢不至統世界。而盡底於滅亡不休。維時上帝憂之。卽列聖列仙。暨我陶真人。亦罔不共憂之。以故前猶明盛。未有鸞諭。今

為時局計。為世道計。紛紛擾擾。人皆若狂。泯泯棼棼。日趨於亂。不得不因時適變。揀選立德立功之地。飛鸞降諭。振啟瞶瞶。呼醒昏昏。此真人濟人救劫經之所由來也。事雖出於奇創。理實本乎正中。爰付棗梨。廣為傳播。從此晨鐘暮鼓。長在人間。寶筏

金丹永垂宇宙。口而誦焉。心而維焉。洗盡
如狼似虎之機事。機心挽回上九百六之
奇災奇厄。維持千聖百王之大經大法。保
全聖神文武之繩子繩孫。其在斯乎。其在
斯乎。

陶真人寶誥

金闕上相。九州都仙。甘雨隨車。政府屢求
而屢應。和風滿座。黎庶隨感而隨通。寄仙
跡於臨湘。竹林同成妙道。闡薪傳於西晉。
桃李共沐麻光。憑異跡以施恩。億萬年馨
香弗替。垂經文以勸世。千百族感戴難忘。

保全聖神文武之繩子繩孫維持千聖百
王之大經大法禦災捍患救難扶危妙道
難量神功莫測大悲大願大聖大慈九天
昌化度大靈顯孚佑昭顯陶真人

開經讚

頂禮無上尊 研易見天道
圓滿放光明 如日長長耀
飛鸞降真言 扶世燕翼教
虔誦此妙經 展卷恩普照
敕封孚佑昭顯陶真人暨福佑靈應陶真

人濟人救劫經

在昔太元晃朗之辰。萬象朝真之會。
皇矣玄穹高上帝。玉皇大天尊。端坐法宮。
高升靈寶。曠觀下界。俯念眾生。熙熙來攘。
攘往。醒穢難聞。鬱鬱死憫。憫薨災凶。莫道。
行將同罹浩劫。不覺惻然心傷。乃賚玉音。

宣召十方金仙。及彼浮黎諸佛。會集洞府。
恪俟昭宣。維時。孚佑昭顯陶真人。暨
福佑靈應陶真人。隨同諸大仙佛。越級前
進。稽首頓首。謹上奏曰。恭維。天尊。表率
諸天。首出眾聖。恩周九有。德沛八紘。惟是
古往今來。蟠天際地。形形色色。罔有窮期。

大都生計艱難。日甚一日。非傷於蟲蝗旱潦。卽苦於水火刀兵。疾疫官非。妖氛瘞札。諸如此類。悉數難終。究其由來。罔非自取。太甲曰。天作孽。猶可違。自作孽。不可違。興言及此。恆不禁廢書三嘆。臣等未諳大道。功。眇。德。微。雖云民瘼關懷。常殷衽席同登。

之望。竊慮瀾狂莫挽。致有江河日下之時。仰維 天尊。本三界之元宗。實萬炁之主宰。巍巍蕩蕩。怙冒無垠。渥澤豐功。廣大無比。伏願永施好生之德。特宏拔度之功。宥既往而渡將來。出憫凶而躋仁壽。臣等不勝歡欣禱切之至。於時環拱諸聖。一致仰

求乞發慈悲救此苦難。憫彼黔庶。昇以生天。天尊聞之。遽忿然曰。蠢爾眾生。罔知至道。道生天地。天地至公。無偏無黨。何言何凶。况統兩間。惟人為貴。既得秀靈。應邀天眷。迺罹浩劫。是果何因。茲特揭出。爾等靜聽。天尊曰。太極剖判。兩儀肇分。一元

默運。浩氣流行。上為日星。下為河嶽。盈天地間。同此橐籥。天地之道。大德曰生。無聖無狂。昇以性靈。世人罔知。茫昧本末。由來天真。日益剝落。好生惡死。人之恆情。迺造死孽。不務生存。名教綱常。隳廢罔覺。漸漬浸淫。大本盡沒。蕩檢踰閑。日趨浮靡。身雖

重訂聖經車要
未亡。心已死矣。不孝不弟。怒敢觸天。不忠不信。罪敢犯天。無義無禮。刑敢動天。無廉無耻。罰敢罹天。甚至殘人以逞。至大極惡。禽獸不出。人獨出之。貪利無厭。飽括人財。昔所未有。今竟有之。人能體天。天必默佑。人既拂天。天豈能容。以故運會之來。有否

無泰。陰陽之見。有慘無舒。自召之殃。於人何怨。自速其死。於天何尤。嗚呼。世風之衰。人心之薄。善道之沒。劫運之乘。鼎沸鑊煎。慘無可狀。吾無如爾。人民之苦。何實無如爾。人民之心。何真。人敬聆作禮。長跪謹復。奏曰。伏維。天尊大慧。天尊大慈。廣渡

眾生。亙古如茲。臣竊見今。戾氣充塞。陽九
天災。百六地厄。孰為甘露。孰為和風。孰為
景曜。孰為祥虹。罪惡貫盈。釀成大劫。咎由
自取。將何可說。欲出苦海。欲離迷津。何道
而可。何為而成。恭叩。垂慈。俯憐。無識。生
居五濁。六塵。是習。姑仁寬宥。畀以慈祥。曲

為援救。憫爾愚頑。天尊聆復。稱曰善哉。
爾等勛名。高列玉籍。位鎮臨湘。榮膺召勅。
施方療病。沛澤拯災。竭誠捍禦。歷著安懷。
今果何時。心猶競競。下憫人情。上悲天命。
俯懇。宏化。救正人心。消除浩劫。愛民孔
殷。吾今原此。格外鑒諒。再將仁德。鋪發一

番。真人拜興。退復其次。偕各聖神。恭默以
俟。天尊曰。太和元氣。渾樸無奇。霜鐘一
杵。爾試靜思。人同此心。心同此理。理不勝
慾。慾乃無止。理慾之界。禍福之門。欲弭禍
患。在正人心。人心一回。天心自復。正大光
明。禍從何出。譬彼二曜。皎潔凌空。種種陰

翳。自然潛蹤。善則錫吉。淫則降殃。禍淫福
善。天道孔彰。世有聖人。景星獻瑞。日月重
光。山輝川媚。天貴天富。紫微玉堂。融融爚
爚。熊熊煌煌。小人道長。君子道消。天降陰
厲。莫之能逃。計都羅睺。喪門弔客。惡煞凶
神。迭相磨折。善惡之報。不爽毫釐。一念向

背。天罔不知。天生烝民。有物有則。物則淪
亡。受此苦厄。故欲立善。須先防惡。疾惡如
仇。斬彼藤葛。不論已為。不論未作。自始至
終。無惡乃樂。防惡之道。防於未萌。萌即撲
滅。惡自除根。心如月明。神似冰淨。惡既消
除。善自長進。善無嫌小。能大更好。善貴能

積。積則大了。善大惡小。猶難免凶。善小惡
大。天豈能容。世人不知。甘心為惡。片善不
存。劫安能脫。吾演此說。詞達理明。特開玄
妙。示以淺情。商賈農工。足資觀感。文人學
士。亦有模範。洗滌惡心。復還善性。百福駢
臻。何等慶幸。爾其下界。遍歷十方。將此演

說化莠為良。人為神依。神乃人望。渡濟芸
芸。功德無量。

天尊言竟。更作偈曰。

普告大眾生	作善福自集
云何得安康	有善無惡迹
云何受苦惱	惡盈善未積

冥冥有大權

彰闡無差失

如欲得神呵

全仗修持力

眾真聆此。以次拜興。恪體天心。真人承恩。
領旨下界。宣此靈文。并申十戒。

第一戒

真人曰。萬惡淫為首。百行孝為先。不敬父

母又狂嫖。是謂奸逆天不原。人若知此惡。同心誓永戒。稽首禮天尊。赦除此大罪。

第二戒

真人曰。推己及人之謂恕。克己復禮之謂仁。徒知責人不責己。是謂苛刻戾天心。人

若知此惡。同心誓永戒。稽首禮天尊。赦除此大罪。

第三戒

真人曰。非信無以孚物。非誠無以感神。言不求復心不實。是謂浮偽喪天真。人若知此惡。同心誓永戒。稽首禮

天尊赦除此大罪。

第四戒

真人曰。義路乃可云正路。禮門迥異乎旁門。不講率由輕出入。是謂妄動。遭天刑。人若知此惡。回心誓永戒。稽首禮天尊。赦除此大罪。

第五戒

真人曰。一塵不染之謂潔。非義不取之謂廉。不計頑夫多污穢。是謂貪饕。天罰纏人。若知此惡。回心誓永戒。稽首禮天尊。赦除此大罪。

第六戒

真人曰。嚴以束身。身不失。寬以接物。物自歸。不擴度量。矢真修。是謂挾妄。天譴隨人。若知此惡。回心誓永戒。稽首禮天尊。赦除此大罪。

第七戒

真人曰。業精於勤。荒於嬉。人而無恆。百事

隳。不思奮勉。求永久。是謂怠惰。天必摧人。若知此惡。回心誓永戒。稽首禮天尊。赦除此大罪。

第八戒

真人曰。己無不盡之謂忠。物無不載之謂厚。不竭心力。不培基。是謂浮薄。天不佑人。

若知此惡。同心誓永戒。稽首禮
天尊。赦除此大罪。

第九戒

真人曰。心存三畏。心自誠。容止久敬。容必
正。不知忌憚。好狹忤。是謂狂蕩。違天命。人
若知此惡。同心誓永戒。稽首禮

天尊。赦除此大罪。

第十戒

真人曰。天地以致中為位。萬物因致和而
育。不存正直。養沖融。是謂偏燥。天必戮。人
若知此惡。同心誓永戒。稽首禮
天尊。赦除此大罪。

天尊上聞。無任歡喜。曉諭眾真。各宜宣此。比授真人清靈妙化金闕上相兼九州都仙使。暨仙教院宣教使。糾察三界。又兼司四方禍福之職。真人上陞。再拜受賜。叩別旋歸。履行職事。或憑異蹟以施恩。或降籤詞以明道。或化他身以傳覺悟之術。或

藉乩筆以宣法戒之文。罔非仰體上天慈惠之心。下憫萬眾沉溺之苦。詎料庚子以後。世變愈出而愈奇。人心日趨而日下。上帝攷核天下善惡。見夫黑籍纍纍。殊堪痛恨。陽懲陰罰。釀成大災。吾輩跪伏天宮。哀求久之。維時上帝震怒。歷數人間

過惡。天罰難容。幸蒙好生為心。命吾下降。
苦勸爾輩。毋謂大廷無法。毋謂天遠可欺。
毋謂神幽不足憑。毋謂室暗人不見。毋敢
一念逆乎父母。毋有一事愧乎神明。毋狎
忤老成。毋欺陵煢獨。毋淫他人之婦。毋取
不義之財。毋厚交異姓而薄弟兄。毋重待

他人而輕親戚。毋以強陵弱。毋以眾暴寡。
毋以智詐愚。毋以勇苦怯。毋立身不正以
驕淫矜誇為能。毋蓄意不臧以機巧奸詐
為勝。毋心非口是飾外貌以欺人。毋出聖
人狂倡邪說以亂世。毋大秤而小斗。毋毀
聖而謗賢。毋罵雨而呵風。毋怨天而恨地。

苟不聽此說。卽不體天心。無惑乎灾劫頻臨。無怪乎兵戈頓起。甚而霹靂騰空。明遭驚繫。甚而水火交作。顯受阨窮。曠覽四大部洲。惟有善行者無害。歎彼三千世界。能逃法網者幾人。從今果能回頭。以後切實修善。吾立上奏。玉闕會諸佛仙。護佑

斯人。明彰德報。天佑天罰。如影隨行。一日真人又言。吾某月日上朝。玉帝見夫天下眾神呈報。天曹囚禁惡人。轉解幽司。受諸苦罪。冊載某也不重父母。以本撥枝。亡報某也好淫人婦。以人淫他妻報。某也刻薄成家。以災及其身報。某也勢利壓眾。

以子孫窮懦報。某也好弄機巧。以事受支
絀報。某也不惜物命。以身遭滅亡報。某也
聞善不信。以耳聾報。某也見善不遷。以目
瞶報。某也不率由正大。以湮鬱屈阨報。某
也不扶持顛危。以困苦顛連報。某也不顧
公益。囊括世財。以盜賊劫掠報。某也好用

私計。害及人後。以子孫殄滅報。某也殘人
以逞。坑限降夫。以數千百年變犬變牛。猶
遭雷擊。刻字背上。受人唾罵報。某也動肆
陰毒。殘害忠義。以數百千里。豎碑立像。日
受鞭撻。拋石頂顛。被人斥責報。種種罪惡。
天罰立隨。生前固有明刑。死後豈無陰律。

不知遷改。甘墮沉迷。迨至罪成。滔天貽累。
無窮。悔何能及。善哉善哉。過能不貳。德日
加多。自有八臂神王。九靈至聖。監臨護渡。
脫離苦海。登此坦途。報如所施。毫髮不爽。
但願爾眾。信善奉行。天尊聞之。大加獎
勵。首救真人。長把此佈。令人感格。毋限迷

途。挽回浩劫。德與天侔。真人謹聆。益深愷
惻。恭對玉几。直獻頌曰。

深沐大慈恩

廣演此大道

道生天地人

人命由天造

知命為君子

自慊天尊教

不知是小人

曠督詢堪悼

惠吉與逆凶

皆由人自召

培覆本栽傾

疇明此奧窔

臣今廣宣揚

並無他玄妙

萬彙悉皈依

渡濟慈航到

真人頌畢。天尊又言。吾因爾等奏請迭

頒示諭。情詞愷切。意義周詳。爾能編輯成

經。流傳下界。使彼善男信女。竭力遵行。吾
當呼三精九烈神君。會同十方三界仙佛。
普天率土神王。同心贊助。將劫挽回。並敕
護法靈官。金剛力士。救苦真人。一律保護。
六魔不生。千祥雲集。逢劫免劫。遇災救災。
天尊言訖。諸大仙佛。又合掌贊曰。

信哉信哉 為善最樂 猛著先鞭
何以救劫 力把經傳 天人感通
如響斯應 有經行世 世可渡盡

繼贊曰

字字靈丹是玉音 重申十戒亦金針
喚醒昏瞶無他恃 惟恃真人一卷經

爾時

真人聞之。乃謹將奏對各節。原原本本。泐
成是編。無以名之。特取奏答中之意。以名
之曰。濟人救劫經。且為之跋曰。

上界明經下界宣 有人持誦保安然
人有感兮神有應 人歡神樂太和天

再跋曰

未曾誦經早虔備 齋戒沐浴是為貴

誦經既畢尤宜誠 稽首作禮然後退

茲經誦畢。跋無敢昧。稽首頓首。作禮而退。

收經讚

上聖上靈無等無倫。演經說法度羣生。正

氣滿乾坤。金光煥法輪。虔誦大亨貞。

志心皈命禮

大悲大願。大聖大慈。九天昌化度。大靈顯。

渡人救劫真人。三稱

願以此功德 普及於一切

誦經保平安 消災增福壽

存人長生局敬刊



存人長生局敬刊

